

大寶積經

籍

第三十六

帝六

七十六

47544



元祿九年丙子二月日重修

皇國聖廟 帝齋銀呂

佛日增輝 懺輪常轉

山城州天安寺法金剛院置

大寶積經卷第三十六

帝如

大唐三藏法師

玄奘奉

詔譯

菩薩藏會第十二之二

金毗羅天受記品第二

尔時世尊於彼中道不移其處令諸長者建立聖果以如來威勢入王舍城四眾圍遶容儀庠序時有護王舍城諸天藥叉大善神王名金毗羅作如是念今者如來形相殊異於世間中最勝難遇堪受人天之所供養我等今當應以種種上妙供具奉獻如來作是念已便以最勝飲食具足香味成就妙色奉上於佛尔時世尊愍其所獻故為納受時金毗

羅王所領大藥義衆六万八千在虛空中咸
生隨喜以清遠音唱言善哉善哉時金毗羅
即以此義告其衆曰我已奉佛上妙供具汝
等亦應以諸供養施苾芻僧當令汝等於長
夜中利益安樂諸藥義衆受王教已即以上
供施苾芻僧時諸僧衆哀受其供尔時世尊
爲乞食故入王舍城旣得食已將還所止時
有無量千衆天龍藥義健達縛阿素洛揭路
荼緊捺洛牟呼洛伽及無量千人與非人又
有無量拘胝那庾多百千衆生隨從佛後尔
時如來往彼最勝寬廣之地敷如常座而坐
其上時金毗羅與其部從即持種種天曼陀

羅花殞鉢羅花鉢特摩花拘賀陀花奔荼利
花復持種種天栴檀末諸供養具而散於佛
所謂勝散大勝散妙散大妙散作如是等慤
慤散已合掌佛前禮敬而任尔時如來知金
毗羅及其大衆心之所念即便微笑諸佛常
法現微笑時從其面門出種種無量色光所
謂青黃赤白紅色銀色及水精色其光遍照
無量無邊一切世界日月威光掩蔽不現下
照地獄令彼悅樂乃至上踊至於梵世所應
作已而復還來右遶七帀或於世尊頂上而
沒或從兩肩或從兩膝而滅沒者諸佛常法
若授地獄衆生記時尔時光明兩足下沒若

授畜生光從背沒若授鬼趣從身前沒若授
人道從左脅沒若授天趣從右脅沒若授聲
聞從兩膝沒若授獨覺從兩肩沒若佛世尊
授諸菩薩摩訶薩阿耨多羅三藐三菩提記
時尔時光鬪從頂上沒時長老阿難陀既觀
世尊微笑光明以七條衣覆左肩已偏袒右

肩右膝著地合掌禮足以頌問曰

照世依怙者

何故放光明

利益世間尊

何緣現微笑

誰今下聖種

為佛菩提因

今為誰授記

誰應住解脫

大雄猛導師

非無因而笑

願牟尼當說

現光之所為

尔時世尊即便以頌報阿難曰

金毗羅淨心

奉獻諸供具

救世依怙者

故現斯微笑

捨神王報已

往三十三天

受彼天福盡

上生焰摩天

又生觀史天

受諸天欲樂

福盡生人中

興為智慧王

王四洲人主

自在轉輪帝

捨後人王已

便生梵世天

天上及人中

數往來不息

二十拘胝劫

常感諸妙樂

最後捨王位

出家求佛道

眾緣具足已

成究竟菩提

三万諸藥义

由奉養於佛

便捨藥义報

生三十三天

後見慈氏尊

復獲阿羅漢

既蒙授道化

即名供諸佛

滿千藥义眾

為住大菩提

由是善根故

不生諸惡趣

或有千藥義

當供佛導師

求無上菩提

利益眾生成

或有二三千

持香花鬘等

當供養諸佛

為得佛菩提

或有千拘胝

當供諸佛已

修自體清淨

後證大菩提

金毗子世羅

具大神通力

亦發大願心

我當成等覺

曾供養諸佛

遍起於弘誓

今復供養我

心趣無上道

由此善根力

捨諸弊惡趣

當見慈氏尊

又獻拘胝蓋

獻拘胝蓋已

復獻拘胝衣

獻拘胝衣已

爾時便出家

具滿五百歲

專修行梵行

求最上菩提

利益眾生成

當成彼願故

修行施戒等

如苑伽沙劫

精勤常不斷

如是汝當知

為示現故說

彼修行勝行

倍增過上數

如前說譬喻

殫伽沙劫數

得見彼諸佛

當修大供養

奇哉勝妙智

奇哉無上心

諸眾大導師

名所不能顯

後當成正覺

一切眾尊

号名曰鑿王

普聞十方界

七十拘胝歲

說法度眾生

其兩足出尊

久當入寂滅

二十大集會

調伏眾生心

最後一大會

經二百億歲

如所說大會

度無量聲聞

如聲聞數量

菩薩眾亦尔

利益眾生日

如來方涅槃

正法住世間

經於百千歲

滿五百劫中

是苾芻成佛

於彼一一劫

千如來出現

諸有智慧者

當思法水灌

應生勇猛心

行多聞正理

遠於非正理

常修正理法

應修習多聞

由此慧增長

四根本法義

濟度諸菩薩

施戒聞捨法

賢善菩提道

為眾說是法

最勝無上乘

演布聲聞道

善斷諸疑網

諸有請問者

我今悉開許

能說深妙法

照世者難遇

今時金毗羅子世羅即於佛前聞佛授記歡

喜踊躍得未曾有作如是念今者世尊將往

鷲峯山王我當復應於如來所殖少善根作

是念已告其眾曰卿等當知如來當發王舍

大城昇鷲峯山卿等宜可發勇猛心隨其力

能辨諸供養時彼世羅即與官屬從王舍城
至鷲峯山中間道路屏除草穢敷瓦礫石株
板毒刺極令遍淨如明鏡面又以香水霑灑
其地敷勝妙衣遍于中路散布名花量與人
等燒妙堅香順路普熏列樹幢幡懸諸寶蓋
於虛空中張施繒綵條別間設羅布其上又
作種種天諸音樂前後充滿其路極廣盡一
箭道皆遍覆以水生諸花所謂殭鉢羅花鉢
特摩花拘賀陀花奔荼利花又以鴛鴦勝鳥
間錯其花行列道側於彼道上又以金縷繒
綵而用敷之上施七寶所成殊妙等網遍覆
于道時彼世羅於佛由路作如是等大莊嚴

已自化其身極令殊大與諸官屬歡喜踊悅
倍生欣慶發諸勝心所謂暢適心調善心柔
軟心清淨心離蓋心充美心歸依佛心歸依
法心歸依衆心不動菩提心不退轉心無等
心無等等心超過一切三界心於一切衆生
起大慈心起大悲心起大喜心起大捨心起
一切佛法器心堅心固心不可壞心不朽敗
心捨離聲聞獨覺地心成立一切菩薩地心
彼住如是諸勝心已往如來所頂禮佛足右
遶三帀却住一面合掌向佛而說頌曰
我已爲世依 辦無上供養 佛爲世間尊
演最上法者 十力皆成就 安住諸無畏

利益眾生事

如導師所作

具相三十二

八十隨形好

世怙猶如日

流光遍於世

轉於妙法輪

最勝十二行

宣布深妙法

利益群生故

顯示諸神變

如佛之儀式

為多拘胝眾

作諸利益事

未來諸大雄

枯世間如日

宣揚彼聖法

悟成無上智

為舍為救拔

為道為歸趣

為諸生盲眾

導之施慧眼

五趣眾主類

我當作依怙

解脫諸苦聚

如先佛所離

我為兩足尊

天中天日月

天帝那伽眾

阿素洛奉敬

所設諸供具

世無有等者

我作上妙業

無有相似者

如法王世尊

具足三十二

上微妙福相

世無與等者

尔時世尊為金毗羅子世羅而說頌曰

諸供大師者

為最上法因

彼有情中勝

菩提不難得

供養照世間

光性世依怙

諸天龍及人

所應供養者

悟上妙菩提

坐最勝道樹

摧伏諸惡魔

為眾生說法

尔時世尊與無量百千天龍藥叉羅刹健達

縛緊捺洛牟呼洛伽人與非人復有無量百

千那庾多拘胝諸眾生等前後圍遶佛於其

中最居眾首以如來大威德故大神通故大

宗勢故種種自在大變化故放大光明震動

大地雨大蓮花滿虛空中鼓於百千那庾多

拘胝天諸伎樂時諸大眾嘆未曾有既覩神
變倍加恭敬尔時如來足步蓮花大如車輪
隨莊嚴道往鷲峯山王既到彼已告長老阿
難陀曰汝為如來敷置勝座所謂最上之座
法座微妙座勝過一切三界座尊勝座佛座
如來之座我當於此坐為欲利益一切眾生
故說大乘菩薩行所依經名微妙吉祥大菩
薩藏此經能令一切眾生疑山崩墮此經能
令一切眾生疑網斷絕此經能令一切眾生
疑根不生此大乘經利益安樂諸眾生故哀
愍大眾及諸天人是故如來方為開闡尔時
長老阿難陀如佛所教敷施法座時彼眾中

有六十八拘胝天子各捨上衣為如來故敷法	座	上佛於其上如常敷座願諸天子而說頌曰	諸天敷衣服	最勝上微妙	救世大導師
安處此法座	到諸法彼岸	如來昇座已	大地六種動	今眾皆歡喜	放光照佛土
并曜諸山王	世尊現神通	濟度樂法者	諸天龍及人	鳩槃荼餓鬼	布怛那等眾
互相見無障	百千那庾多	拘胝諸天等	觀佛放光明	此時甚難遇	頻毗娑羅王
諸大臣圍遶	來詣世依怙	最勝如來所	佛知天龍人	大眾皆坐已	為利諸眾生
願視於四方	告諸有疑者	當問兩足尊			

我將導世間 善斷諸疑網

尔時三千大千世界所有衆生爲聽法者皆
來集會既聞如來說是法已爲聞法故靜息
外緣心住一境攝念而住尔時世尊告長老
大目犍連汝今當知有誰苾芻住在遠處未
來會坐當召令集時長老迦葉在大雪山
南面而住大目犍連憶念知已以神通力往
彼白言如來今者在鷲峯山於大衆前爲諸
天魔梵沙門婆羅門天人阿素洛等當說妙
法正待仁者可共往彼勿令我等於法障礙
時大迦葉語大目犍連言汝且前往吾尋後
至作是語已時大迦葉不起于座化神通力

入王舍城將從四部導衆而行往鷲峯山頂
禮佛足於大衆中對於佛前不遠而坐時大
目捷連覩斯化已以神通力來至佛所乃見
迦葉先已處座白迦葉言尊者成就速疾大
神通力乃能不起本座現斯神化大迦葉言
世尊說汝神通第一吾今微現未可涉言

試驗菩薩品第三

爾時長老舍利子即從座起以鬱多羅僧覆
肩上偏袒右肩以右膝輪而置於地向佛合
掌恭敬而任白佛言世尊我今欲有少問唯
願如來應正遍知哀愍聽許爲我解說佛告
長老舍利子言恣汝所問如來今者當爲解

說今汝心喜舍利子白佛言世尊菩薩摩訶
薩成就幾法身業無失語業無失意業無失
成就幾法身業清淨語業清淨意業清淨成
就幾法身業不動語業不動意業不動不為
天魔及魔軍衆之所嬈轉從初發一切智心
修行正行地地增勝善巧方便為一切衆生
作勝導師為普導師為大照炬為大梯墜為
橋為船為濟度者為彼岸者為舍為救為歸
為趣而能不捨一切智心尔時舍利子欲重
宣此義以頌問曰

菩薩何等義 能任大菩提 何名德及法
由此悟無上 又行何等行 利益諸衆生

修習何法已

成佛人中勝

云何伏惡魔

任最勝菩提

震動拘胝土

悟無上正覺

菩薩者何義

如是句云何

云何為菩提

及無上佛法

云何行世間

利益羣生類

不染如蓮花

解脫拘胝衆

云何為天龍

非人等供養

我諸所請問

慈悲願為說

尔時佛告長老舍利子善哉善哉吾今當為

分別解說舍利子菩薩摩訶薩成就一法則

能攝受汝所問法及餘無量無邊佛法何者

一法謂菩提心及備信欲舍利子是名菩薩

摩訶薩成就一法則能攝受無邊佛法舍利

子白佛言世尊何等名為信欲具足復以何

義名喜提心佛告舍利子信欲具足者是謂
堅實不可壞故是謂牢固不可動故言不動
者無蹶失故無蹶失者能善住故能善住者
不退轉故不退轉者觀衆生故觀衆生者大
悲根本故大悲根本者不疲倦故不疲倦者
成熟衆生故成熟衆生者善知自樂故善知
自樂者無希望故無希望者不染資具故不
染資具者爲衆生依故爲衆生依者觀待下
劣衆生故觀待下劣衆生者爲救濟故爲救
濟者爲歸趣故爲歸趣者不卒暴故不卒暴
者善觀察故善觀察者無怨嫌故無怨嫌者
善調信欲故善調信欲者無所存故無所存

者善清淨故善清淨者妙鮮白故妙鮮白者
內離垢故內離垢者外善清淨故舍利子如
是堅實難壞乃至內離於垢外善清淨者是
名信欲具足也佛復告舍利子善提心者何
相何貌舍利子善提心者無有過失不為一
切煩惱之所染故善提心者相續不絕不為
餘乘中所證故善提心者堅固難動不為異
論所牽奪故善提心者不可破壞一切天魔
不傾敗故善提心者常恒不變善根資糧所
積集故善提心者不可搖動必能獨證諸佛
法故善提心者妙善安住於菩薩地善安住
故善提心者無有間斷不為餘法所對治故

菩提心者譬如金剛善能穿徹佛深法故善
提心者勝善平等於諸衆生種種欲解無不
等故菩提心者最勝清淨性不染故菩提心
者無有塵垢發明慧故菩提心者寬博無礙
含受一切衆生性故菩提心者廣大無邊如
虛空故菩提心者無有障礙令無礙智遍行
一切無緣大悲不斷絕故菩提心者應可親
近爲諸智者所稱讚故菩提心者猶如種子
能生一切諸佛法故菩提心者爲能建立建
立一切喜樂事故菩提心者發生諸願由戒
淨故菩提心者難可摧滅由住忍故菩提心
者不可制伏由正勤故菩提心者最極寂靜

由依一切大靜慮故菩提心者無所匱乏由
慧資糧善圓滿故復次舍利子菩提心者即
是如來尸羅蘊三摩地蘊般羅若蘊解脫蘊
解脫智見蘊之根本也又菩提心者即是如
來十力四無所畏十八不共佛法之根本
也舍利子言菩提心者謂以此心用菩提為
生體故名菩提心如是舍利子諸菩薩摩訶
薩成就信欲菩提心故名菩提薩埵是名
廣大薩埵是名極妙薩埵是名勝出一切三
界薩埵是名身業無失語業無失意業無失
是名身業清淨語業清淨意業清淨是名身
業無動語業無動意業無動菩薩摩訶薩以

具如是諸業淨故不為天魔及魔軍衆之所
燒轉從初發一切智心修行正行地地增勝
善巧方便不為一切世法所動能為衆生作
大導師作勝導師作普導師為大照炬為大
梯墜為橋為船為濟度者為彼岸者為舍為
救為歸為趣舍利子菩薩摩訶薩如是發一
切智心故魔及魔軍不能傾動尔時佛告舍
利子諸菩薩摩訶薩由具如是淨信欲故發
阿耨多羅三藐三菩提心已心多淨信樂觀
賢聖樂聞正法樂不慳悋開舒心手而行大
施欣樂大捨樂均普施於諸衆生心無罣礙
心無穢濁心無憤亂心不間雜於業業報深

心奉敬無疑無慮知黑白法果報不壞乃至
命難不起諸惡永離殺生不與取邪淫行妄
語乖離語麁惡語綺語貪染瞋恚愚癡邪見
爲斷如是不善業道受持奉行十善業道由
具信故於諸沙門若婆羅門正至正行具德
具戒其心純淨成調順法具足多聞勤行諮
問修正作意調善寂靜親近寂滅不起諍訟
非不愛語善知信欲非不善知善法相應遠
諸惡法不掉不高性離躁動性離麁言語無
浮雜守念正任心安妙定善斷有本不中毒
箭捨離重擔超度疑慮及以後有諸佛世尊
菩薩摩訶薩聲聞獨覺於如是等善知友所

如實覺已親覲敬仰奉事將遇行者如是於
善知友身行奉事復以法施而攝受之宣說
妙法示教讚喜所謂若行陀那得大財富若
行尸羅得生天樂若好多聞獲得大慧若修
諸定便離繫縛復為開顯種種微妙清淨勝
法此是布施此布施報此是慳悋此慳悋報
此是尸羅此尸羅報此是犯戒此犯戒報此
是忍辱此忍辱報此是瞋恚此瞋恚報此是
正勤此正勤報此是懈怠此懈怠報此是靜
慮此靜慮報此是亂心此亂心報此是智慧
此智慧報此是惡慧此惡慧報此身妙行此
身妙行報此身惡行此身惡行報此語妙行

此語妙行報此語惡行此語惡行報此意妙
行此意妙行報此意惡行此意惡行報此善
此不善此應作此不應作此若作已感得長
夜義利安樂此若作已感得長夜非義非利
非安樂果舍利子行者如是為諸善友宣說
是法示教讚喜已覺知堪任大法器者即為
開示甚深微妙空相應法所謂空法無相法
無願法無行法無生法無起法無我法無數
取法無壽命法無衆生法復為開示甚深緣
起所謂此有故彼有此生故彼生無明緣行
行緣識識緣名色名色緣六處六處緣觸觸
緣受受緣愛愛緣取取緣有有緣生生緣老

死愁歎憂苦身心焦惱如是種種生起純大
苦聚又此無故彼無此滅故彼滅謂無明滅
故行滅行滅故識滅乃至生滅故老死滅如
是乃至純大苦聚滅舍利子又應爲說此中
無有一法是有可得而可滅者何以故由彼
諸法從因緣生無有主宰無有作者無有受
者從因緣轉又無一法流轉旋還亦無隨轉
由癡妄故假立三界從煩惱苦之所流轉但
假施設行者如是如實觀察癡妄之時無有
一法能作餘法若於是中無有作者作者不
可得故乃至無有一法流轉旋還流轉旋還
不可得故舍利子行者若聞如是甚深法已

無疑無慮善入諸法無罣礙性是人不着於
色不著受想行識不著眼色及以眼識不著
耳鼻舌身意法及以意識皆不可得故復次
舍利子菩薩摩訶薩信受如是性空法已不
退見佛不退聞法不退奉僧在在所生不離
見佛不離聞法不離奉僧而生佛前猛勵正
勤志求善法是人任正勤已不戀居家男女
眷屬奴婢僕使及諸資具是人不為婬欲所
媿速於今生捨盛年樂以淨信心於佛法中
出家入道既出家已得善知識善伴善友善
住思惟善住信欲由善住信欲故善聽聞法
堅奉修行不但言說以為宗極覺慧成就樂

求多聞無有厭足如所聞法以無染心為他
廣演於諸利養恭敬名譽情無希望不捨正
義妄為他說如其所聞如其所住而為說法
於聽法眾起大慈心於諸眾生起大悲心舍
利子行者如是有多聞故不顧身命少欲知
足寂靜欣樂易滿易養樂處空閑如所聞法
觀察其義依於實義不依於文為諸天人阿
素洛界之所依止不專為己為諸眾生求於
大乘所謂佛智無等智無等等智勝出一切
三界之智舍利子我說是人獲得第一不放
逸法舍利子云何名為不放逸法所謂諸根
寂靜何等諸根寂靜所謂眼見於色不取相

貌如實覺知色味色患及色出離如是耳所
聞聲鼻所嗅香舌所嘗味身所覺觸意所識
法不取相貌如實覺知法味法患及法出離
舍利子如是名為心不放逸復次不放逸者
調伏自心善護他心除樂煩惱趣樂正法不
行欲覺恚覺害覺不行貪不善根瞋不善根
癡不善根不行身惡行語惡行意惡行不行
不如理作意不行一切惡不善法此則名為
不放逸也如是舍利子是諸菩薩摩訶薩既
不放逸能勤修習如理作意若法是有如實
知有若法是無如實知無觀察此中何者是
有何者是無即以慧力如實能知正修習者

聖解脫有邪修習者聖解脫無無業報者此
則是有有業報者此則是無復次眼為是有
有眼者無耳鼻舌身意意為是有有意者無
復次色為無常苦變異法此則是有色為常
住不變不壞此則是無受想行識無常苦變
異法此則是有受想行識常住不變不壞此
則是無復次無明為緣諸行則有若無無明
諸行則無乃至以生為緣老死則有若無生
者老死亦無復次施感大財此則是有施感
貧窮此則是無持戒生天此則是有犯戒生
天此則是無聞生大慧此則是有諸惡慧者
能生大慧此則是無修定離縛此則是有修

定繫縛此則是無復次若如理作意而有繫
縛不如理作意離繫縛者此二俱無若諸菩
薩發起正勤菩提則有若起懶惰菩提則無
若無憍慢出家授記是名為有若憍慢者寂
滅則無復次遍一切處空性是有遍一切處
有我數取衆生壽命丈夫等類此則為無如
是舍利子若諸菩薩摩訶薩行不放逸能善
修習如理作意世間智者同知是有施設為
有世間智者同知是無施設為無舍利子若
定說有非正了知若定說無是亦名為非正
了知何以故諸佛世尊所說實義能隨覺了
故舍利子諸佛世尊具大智力揔攝諸法安

處四種鄔陀南中何等為四所謂一切行無
常一切行苦一切法無我涅槃寂滅舍利子
所演一切行無常者如來為諸常想眾生斷
常想故所演一切行苦法者如來為諸樂想
眾生斷樂想故所演一切無我法者如來為
諸我想眾生斷我想故所演寂滅涅槃法者
如來為諸任有所得顛倒眾生斷有所得顛
倒心故舍利子是諸菩薩摩訶薩若聞如來
說一切行為無常者即能善入畢竟無常若
有聞說一切行苦則能興厭起離願心若有
聞說諸法無我則能修習於三摩地妙解脫
門若有聞說寂滅涅槃則能修習無相三摩


地而不非時趣入真際如是舍利子若諸善
 薩摩訶薩能善修習如是法者終不退失一
 切善法速能圓滿一切佛法

天寶積經卷第三十六

帝

梯	帛	石	伽	鉢	庠
登	上	上	上	上	上
字	之	曆	也	骨	度
去	自	音	其	反	日
聲	陵	音	別	烏	祥
下	反	株	云	拘	行
蹶	名	杙	恒	贊	止
失	也	無	河	莫	有
反	反	枝	名	候	下
上	昌	日	屏	反	揭
居	朱	反	除	下	路
月	反	也	一	脅	列
也	反	樹	音	脇	反
價	豎	刺	餅	許	居
乏	字	刺	餅	業	緊
上	七	二	反	反	捺
求	條	同	下	下	達
位	也	七	俗	反	下
羅	羅	繒	助	反	奴
		綵	苑	殞	殞

例音	動	非
鼻	上	薩
俗許	則	埤
作救	心到	果下
與反	煩反	反丁
鼻	擾也	憤
柁	也作	乱
南上	路	心上
此一	柁	煩俱
云古	那	也妹
自反	檀上	反
說	那	掉
	此	不徒
	云反	靜甲
	施亦	也反
	云	心
	勵	躁



猪飼順良壽年

